

1 't Eige durp

2 Schriev over j'n eige durp in de taele die à je spreek.

3 Gae d'r ma an staen, dat è m'n ommes op schole nie geleêrd.

4 't Mò gaen over Sint-Maartensdijk, m'n lieven nog an toe, die naem is vee ste lank, ee.

5 Ons bin nie vee van zèggen, in je moerstaele 'ou je 't in de regel liever kort:

6 Ons zègge: 'oa j' à juun?, 'k 'è thee 'oô!, zà d'n doeë?, docht 'k ok 's! en mos 't nie.

7 Wat mot 't noe woôre vò 't durp: Smeerdiek, Smerdiek of Smurdiek?

8 'k Zà 't perbere uut te duuen: woôrt 't mee de lange ee in gefielesteerd?

9 Of mee de è uut rebessel of mee de u uut fluks, julder, butter of knuttere?

10 Wie of à 't weet die mag 't opschriev, dit is 't Thools dictee, à 'k 't wel 'è, ee.

11 Vò 't gemak doe m'n 't ma liek as bie de voebal: schrief ma Smerdiek.

12 Bèjaet, dae zù m'n 't ma op 'ouwe; ik gae 'ier nie op m'n ponteneur staen.

13 Want 't durp lei nog aoltied an de Pluumpot, dae maekt 't aomae niks voor uut.

14 An 't resje mee 't stille waeter van de geule en afgeslote van de zeeë deur 'n dam

van nylon zandzakken, weet je 't nog, d'n eêsten van 't 'eêle Deltaplan.

15 't Gieng nie vaneiges, ik bedoele ma: 't was 'n 'eêle roefel om 't klaer te kriegen.

16 Zo is 't ok gegaen mee 't durp, de beweuners en aol die polders achter mekaore.

17 Waerachtig, je zou d'r noe nog piene in je rik of in j'n 'oôd van kriege.

18 Geên eêne plekke mee 'n Eêsten, 'n Tweeden, 'n Derden, 'n Vierden Diek en 'n Vuuf Zinnen

19 Me kunne kuire deu 't Zoetemelkswegje en fietse nae d'n Zuren'oeck

20 Afijn, in de smalstad kù m'n aolle kanten op, ma noe, noe schee 'k er mee uut.